

EX LIBRIS  
ILLVSTRISSIMI VIRI,  
DN. DAN. LVDOLPHI,  
LIB. BAR. de DANCKELMANN,  
S. REG. MAI. BORVSS. CONSILIARII  
STATVS INTIMI, cetera,  
BIBLIOTHECÆ ACAD. FRIDERICIANÆ  
TESTAMENTO RELICTIS.

PONS SVBLICIVS  
ANHALDINVS.

18.  
19.

IN PONTEM SV-  
BLICIVM ALBI ET  
MILDÆ AGGERE JVN-

*ctis, ac confluentibus, nouo & admira-  
bili opere prope Roslanium arcem  
antiquiss. impositum,*

*curante*

ILLVSTRISS. ET  
GENEROSISS. PR. AC  
DN. DN. IOACHIMO ERNESTO

*Pr. Anhaltino, Comite Ascaniæ, Do-  
mino Seruestæ & Bern-  
burgi &c,*

CARMEN ἑγκωμιαστικόν.

*Scriptum à*


GREGORIO BERSMANO ANNÆ-  
*bergensi, illustr. gymnasij Seruestani  
Rectore.*

SERVESTÆ

*Bonaventura Faber excudebat,*

*Anno*

M. D. LXXXIII.



PONS SVBLICIVS  
ANHALDINVS.

**N**termissa diu renouat mihi carmina mi-  
ram (men

Pontis opus: desueta pati precordia nu-  
Spiritus intus agit, mentemq; cupidine versat  
Ardentem auctoris laudes memorare Camena,  
Auctoris memorandi operis. date plectra canentj  
Ad mea non surda cum Phæbo vota sorores.

Est inter celebres Albino nomine ripas

Arx vetus, Ascania procerum gratissima sedes:

Cui nomen fluius piscoso nobilis amne

Imposuit: fluuio fecerunt pascua nomen

Cornipedum facunda gregi: lato aquore campus,

Et Cereri dilectus ager, gratusq; Lyæo.

Sylua nemus vicina facit, quod inumbrat utrinq;

Arboris obtentu frondose fluminis oras:

Hinc oras pater Albj tuas, hinc agmina Milde,

Dessauij leni lambentis mœnia lapsu.

Qua nuper dubias fluctu indignante carinas

Vix passus, pontem (mirabile) cernitur Albis

Dorso ferre suo: pedibus nunc peruius, olim,

Qui raptare solum, syluasq; rotare solebat.

Dic mihi Calliope, sua quis sub iura coëgit

A

Voluere

Voluere flumen aquas, importunumq<sup>3</sup>, minaxq<sup>3</sup>?  
Quis regnatorem flumiorum compulit Albim,  
Seruitium tolerare, viros & plaustra gerentem?  
Imperij, JOACHIME, tui hac, ERNESTE, potestas,  
Qui tumidas pontem indignati fluminis iras  
Compefcis: rabiemq<sup>3</sup>, domas, & murmura placas:  
Cum socioq<sup>3</sup>, tuis parentem legibus amne,  
Suppositum praeberere iubes ad pondera dorsum.  
Nuper enim ceptum urgenti transmittere cursum,  
Aut, ripis effusus, iter clauderat iniquum,  
Amnis, inundanti contorquens vortice sylvas:  
Aut axem lento tardabat puluere tellus,  
Vix sese iumento oneris sub mole ferente.  
Non tulit hac animo clementia principis aequo:  
Sed miserata graues hominum pecorumq<sup>3</sup> labores,  
Protinus undarumq<sup>3</sup> moras, ac putris arena  
Lentorem, terra suggestu, & ponte leuauit  
Sublicio, qualem non atas viderit ulla.  
Ergo lassato, via, qua temone terebat  
Aurigaq<sup>3</sup> diem, modo qua carpebat euntem,  
Quadrantis, miranda fides, vix unius horae est,  
Expediens cursu peditesq<sup>3</sup>, rotasq<sup>3</sup> citato.  
O quanta coière manus? denso agmine syluam  
Itur in umbrosam: nudantur lustra ferarum:  
Procum-

Procumbit multis incidua quercus ab annis,  
Sternitur & pinus, gemit icta securibus arbos.  
Hic cadunt nemus: hi casam deuoluere ripa  
Materiam certant: numero qua plurima, prona  
Fertur aqua, ratibusq; secundo defluit Albij.  
Hos aptare trabes, & robore tigna parare:  
Hos tigna aspicias praefigere tegmine ferri,  
Et ferro munire trabes: quas artat utrinque  
Fibula, ferratoq; ligant firmamine clauj.  
Pars vectes rotat, & rostrum trochleasq; fatigat:  
Pars adigit fundo fistuca pondere lignum,  
Fulmineo sublicas pellentis jugiter ictu.  
Precipuus quoniam labor est immergere pontis  
Fundamenta solo, & munimina figere, duras  
Propulsura niues, vimq; auersura ruentem  
Deuotionei liquefactis nubibus imbris.  
Feruēt opus, non segni operis Nurone magistro  
Bernardo, Petroq; boat nemus, unda remugit  
Clamantum sonitu, vibrantumq; arma fragore.  
Non ipsa horrificis tantum tonat Aetnae caernis,  
Turbine quum piceam prouoluit ad aethera nubē,  
Eruēt atq; globos flammaram, & saxa, sub auras:  
Nec tanti resonant ruptis incudibus ictus,  
In numerum quoties attollunt brachia fratres,

Ferrum exercentes Lipara Cyclopes in antris.  
Tot Sesto potuere manus adiungere Abydon,  
Perq<sup>3</sup> mare, innocuum Leandro sternere callem:  
Tot possent & Athon solidis abiungere terris,  
Et remis dare verrendum, & praeberere carinis.  
Subter anhelat humus grauida gestamine molis  
Inter aquas, aretq<sup>3</sup> siti correpta sub undis.

Ipse operis tanti mirator sustulit imo  
Albis in amne caput, redimitus tempora quercu.  
Sublimem inq<sup>3</sup> tuens molem, & tabulata viarum  
Fornicibus disclusa nouem, firmataq<sup>3</sup> cunctam  
Obice quaeq<sup>3</sup> suo vim contra undaq<sup>3</sup> hyemisq<sup>3</sup>,  
Et pilis alte suffixa, reuinctaq<sup>3</sup> iuncto  
Agmine transtrorum, atq<sup>3</sup> aeterno robore ferrj:  
Totq<sup>3</sup> inter miranda operis versatile cernens  
In medio claustrum, quod panderet ostia malo,  
Velorumq<sup>3</sup> alis: furijs accensus & ira,  
Mortales quae tanta; inquit, fiducia fastus  
In regnis iubet imperium sibi sumere nostris?  
Terreni terras habitent: mihi debita fatis  
Vndarum rectori, vndarum sceptrum relinquant.  
Ocyus ite amnes, viresq<sup>3</sup> effundite vestras:  
Impete deiectas animoso impellite turres,  
Vertite tigna, trabes confringite, soluite ferrum.

Sic



Sic ait: at dictis mulcens hunc, talibus infit  
Milda pater, glauca velatus arundine frontem.  
Quanquam ambos decet ira, tamen sedare furorem  
Nunc prestat, quævis auctore aduersa leuantes.  
Nam quæ libertas tanti credatur utrique,  
Quanti seruitium tali sub principe, cuius  
Iustitiam Hesperius laudat, miratur Eous.  
In ciues qui iura tenens, & culmina rerum,  
Se ciuem, patremq; gerit, sine crimine fastus,  
Qui comitatur opes, magnosq; superbus honores.  
Quem non excubia tantum, multusq; satelles,  
Quantum subiecta tutatur gratia plebis,  
Ac sine teste fides, nulloq; extorta timore  
Cui non illecebris effrena licentia luxum  
Suadet: nec tentare iubet sine lege potestas,  
Quod fecisse lubet: non fastidire minores,  
Non sacrosanctos juris transcendere fines,  
Non addicto inopum cumulare araria censu,  
Aut sudore frui miserorum, & sanguinis haustu.  
Aspice structura molem, quam ferre repugnas  
Immerito, fama segetem laudumq; tuarum,  
Victuroq; tuas celebrantem nomine ripas:  
Nemo operis tanti se impensa, nemo labore  
Oppressum queritur, quotquot ditionis habenas

Ascania

Ascania accipiunt, legesq; & jura sequuntur.  
Sunt fisci, quacumq; vides, impendia: sumtus  
Hos princeps, haud parcus opum, facit: utilis urbj,  
Commodus agricolis: legum iustissimus vnus  
Arbiter, & pacis custos fidissimus vnus.  
Ipsa operi pubes cæptoq; intenta labori,  
Miratur plus posse manus. iuuat ecce laborem,  
Et maturat opus præsentia principis, atro  
Non terrore vrgens, sed maiestate serena.  
O velox, & præuertens industria votum.  
Nondum signa rotis Titan bis dena peregit,  
Ex quo creuerunt turres: quas longior illis  
Annua meta stupet bis seni limite mensis.  
Si qua fides dubijs: non hæc, sine numine diuum,  
Machina mortalis surgit molimine dextra.  
Hanc, quicumq; Deus, certè Deus erigit: ille  
Has syluis aduoluit opes: hæc fluminis alueo  
Fundamenta, soli parente crepidine, fixit.  
Cede Deo: si ferre negas mortalia regna.  
His dictis cessit furor, & commota quierunt  
Pectora, cumq; illo pariter pacata residunt  
Flumina, rectoris placidos imitantia vultus.  
Sed quid ego hæc, numeris non apta, includere fru-  
Aggredior numeris? tantis cur conditor actis

fru-  
stra  
Ab

Ah impar nimis, augusta praeconia laudis,  
Maonio celebranda seni, memoranda Maroni,  
Carminis exiguum detrudere conor in orbem?  
Verum nec superum semper bos imbuit aras:  
Quos placant interdum animo cum diuite ferti  
Pauperis oblata, & tauro non vilior agna:  
Sic mihi cum desint vires, animosa voluntas  
Officium implebit. studium, non carmina iacto.  
Velle sat est: ausus ubi deficit agra facultas.  
At nostris facito vires conatibus aequas:  
Quae meritis par esse tuis facundia possit,  
Ascania columen, Princeps clarissime, gentis?  
Quis dignè referat veteris primordia stirpis,  
Gomerida priscum ducentis ab Ascane nomen,  
Ascane, quem sacri custodia praedicat ignis?  
Quis memoret titulos, & auita laudis honores,  
Siue tuos, Alberte, vrsi cognomine clari:  
Vnde Vrsina suam ducit gens Itala stirpem:  
Seu, Bernharde, tuos, septem pars una virorum,  
Imperij procerum, domus a quo Saxonis ortum  
Atq; genus iactat, fama super aethera noto?  
Quis natos dicat, nec facta silenda nepotum,  
Incluta bellorum gestis, & clara togata  
Munere militiae, partis oleaq; triumphis?

B

Salve

W.

Salve magnorum proles generosa parentum,  
Salve magnorum genitor fecunde nepotum:  
Aonij tutela chori, cætusq; sacrati  
Finibus extorris patriæ, mundiq; perosi  
Judiciis, causæ ignavis. quo præside, nunquam  
Impia Anbaldinas scelerabunt dogmata terras,  
Nec Christi vastabit aper Calydonius agrum.

Salve libertas patriæ, fiducia ruris,  
Urbis præsidium, dubijs tutamen in armis.  
Per te, ponte suo, nunc Rheno clarius Albis  
Nomen habet, didicitq; iugum te ferre magistro:  
In leges migrare novas: nova frena subire.  
Nunc Amphionij cedat tibi gloria plectrj:  
Nunc Getica tibi facta lyra, quam fama secuta est  
Auritas fidibus deducere montibus ornos.  
Et tu saxa moues, & sylvas ducis ouantes  
Ad tua iussa sequi, & stratis seruire viarum.  
Nanq; auro congesta tuo quoq; glareæ, lento  
Viminis iniectu, & saxi solidata platea,  
Quadrupedum & duros canthorum sustinet ictus.  
Cuius utroq; nemus faciens in margine pomus  
Consita, fragrantem fessis aspirat odorem:  
Dulce viatori simul, aurigaq; lenamen:  
Qui memori te voce canit, gratusq; celebrat,

Infra

Infractos sero retulit cum vespere currus:  
Regum digne bonis: fulvas tibi dives arenas  
Albis agat, virides voluat tibi Milda lapillos.  
Salve cura Dei, vita qui nuper in arcto  
Prestitit incolumem discrimine, reddidit orbj  
Faucibus e medijs Orci letiq<sup>3</sup> receptum.  
Sic te venturos idem conseruet in annos  
Cum consorte tori, generosa e stirpis alumnis,  
Vix quorum meruere senes primordia laudum:  
Sic operis structura tui non horreat imbres,  
Non glacie armatas hyemes: non sentiat ignem,  
Non Euri insultus, nec edacis damna senecta:  
Unam etiam fabricis istis, quas extruit arca  
Magnificas tua, non loculis capsisq<sup>3</sup> recondens  
Quicquid opū est, patrie sed promens semper ad usus:  
Unam illis, unam oramus, mitissime Princeps,  
Adjicias, e qua Musis habitanda dedisti  
Atria, respicias vultu, quo cuncta gubernas.  
Nam sine te pendent opera interrupta, nec ullum  
Ulla minus tangit quam nostri cura Lycej.  
Hunc ne te pontem pigeat, qui sustinet vrbes,  
Templorumq<sup>3</sup> suo gestamine fulcit honorem,  
Et vita pariter structuram seruat, e orbis,  
Hunc ne suppositis pigeat firmare columnis,

*Ne conuulsa ruant minitantia tecta ruinam,  
Aut carie corrosa labent, rimisq; fatiscant.  
Hoc tibi ponte viam sternes ad amœna piorum  
Concilia, Elysias sedes, camposq; beatos:  
Ac te pontificem præsens venerabitur ætas,  
Et ventura feret memori super æthera laude,  
Nec mea te, quamuis despecta, camana silebit.*

FINIS.



W 1996

8

ULB Halle 3  
 002 063 808



nicht aufg., da unvollst. u.  
 nicht zu ermitteln!  
 28 a / 50 1996 /

W 17 M









#8.  
19

PONS SVBLICIVS  
ANHALDINVS.

IN PONTEM SV-  
BLICIVM ALBI ET  
MILDÆ AGGERE JVN-  
ctis, ac confluentibus, nouo & admira-  
bili opere prope Roslanium arcem  
antiquiss. impositum,

••• curante •••

ILLVSTRISS. ET  
GENEROSISS. PR. AC  
DN. DN. IOACHIMO ERNESTO  
Pr. Anhaltino, Comite Ascaniæ, Do-  
mino Seruestæ & Bern-  
burgi &c,

CARMEN ἑγκωμιστικόν.

Scriptum a

GREGORIO BERSMANO ANNÆ-  
bergensi, illustr. gymnasiij Seruestani  
Rectore.

SERVESTÆ

Bonaventura Faber excudebat,

Anno

M. D. LXXXIII.